

关于植树节的古诗20首

1.
华山高幢幢，上有高高松。株株遥各各，叶叶相重重。槐树夹道植，枝叶俱冥蒙。既无贞直干，复有胃挂虫。何不种松树，使之摇清风。秦时已曾种，憔悴种不供。可怜孤松意，不与槐树同。闲在高山顶，樛盘虬与龙。屈为大厦栋，庇荫侯与公。不肯作行伍，俱在尘土中。——元稹《松树》

2.
万点猩红将吐萼，嫣然迥出凡尘。移来古寺种朱门。明朝寒食了，又是一年春。细干柔条才数尺，千寻起自微因。绿云蔽日树轮囷。成阴结子后，记取种花人。——顾太清《临江仙·清明前一日种海棠》

3.
社结山林友，家藏种树书。蔽床欣卜宅，容驷笑高闾。薄饭频菹韭，单衣旋制练。东家借蹇罢，南市买船初。美景游俱遍，邻翁好不疏。时时得乘兴，岂独爱吾庐。——陆游《幽居》

4.
手种黄柑二百株，春来新叶遍城隅。方同楚客怜皇树，不学荆州利木奴。几岁开花闻喷雪，何人摘实见垂珠？若教坐待成林日，滋味还堪养老夫。——柳宗元《柳州城西北隅种柑树》

5.
移得绿杨栽后院。学舞宫腰，二月青犹短。不比灞陵多送远，残丝乱絮东西岸。几叶小眉寒不展。莫唱阳关，真个肠先断。分付与春休细看，条条尽是离人怨。——张先《蝶恋花·移得绿杨栽后院》

6.

南州春又到。向腊尽冬残，冰姑先报。芳心爱春早。露生香馥馥，靓妆皎皎。诗人最巧。道竹外、斜枝更好。旋移根引水，浇培松竹，凑成三妙。回首。当年客里，荆棘途中，幸陪欢笑。闲愁似扫。记风雪、关山道。待飘花结子，和羹煮酒，还我山居送老。那青红、浪蕊浮花，尽锄去了。——吕胜己《瑞鹤仙·栽梅》

7.

绿树莺啼春正浓，钗头青杏小，绿成丛。玉船风动酒鳞红。歌声咽，相见几时重？车马去匆匆，路随芳草远，恨无穷。相思只在梦魂中。今宵月，偏照小楼东。——何大圭《小重山·绿树莺啼春正浓》

8.

此日春气和，万木具含秀。况我山林居，园列颇成就。客自周至来，驱车扣圭窦。白杨二百株，纷纭载其后。根繁生意多，干润理宜茂。倩人速植之，行列未差谬。——康海《植树（节选）》

9.

巴山楚水凄凉地，二十三年弃置身。怀旧空吟闻笛赋，到乡翻似烂柯人。沉舟侧畔千帆过，病树前头万木春。今日听君歌一曲，暂凭杯酒长精神。——刘禹锡《酬乐天扬州初逢席上见赠》

10.

吴地桑叶绿，吴蚕已三眠。我家寄东鲁，谁种龟阴田？春事已不及，江行复茫然。南风吹归心，飞堕酒楼前。楼东一株桃，枝叶拂青烟。此树我所种，别来向三年。——李白《寄东鲁二稚子》

11.

浩翁曲肱一浩斋，焉吞廊庙与蒿莱。此翁定复死不死，旧斋又新有贤子。斋前种树初如椽，如今过云欲造天。作人谁无半点气，草动风惊便心醉。回山倒海不关身，古人与我各何人。杉溪老人是翁友，拈出问渠渠领否。——杨万里《题周鯁臣浩斋》

12.

野**栽植，植柳水中坻。乘春持斧斫，裁截而树之。长短既不一，高下

随所宜。倚岸埋大干，临流插小枝。松柏不可待，榎楠固难移。不如种此树，此树易荣滋。无根亦可活，成阴况非迟。三年未离郡，可以见依依。种罢水边憩，仰头闲自思。富贵本非望，功名须待时。不种东溪柳，端坐欲何为。——白居易《东溪种柳》

13.

种树须择地，恶土变木根。结交若失人，中道生谤言。君子芳桂性，春荣冬更繁。小人槿花心，朝在夕不存。莫蹶冬冰坚，中有潜浪翻。唯当金石交，可以贤达论。——孟郊《审交》

14.

露宿泥行草棘中，十年春雨养髯龙。如今尺五城南杜，欲问东坡学种松。君方扫雪收松子，我已开榛得茯苓。为问何如插杨柳，明年飞絮作浮萍。——苏轼《予少年颇知种松手植数万株皆中梁柱矣都梁山》

15.

山上多种松，溪涧多种兰。寒梅如许树，修竹百千竿。春至阅农功，采蕨供菽餐。我归有处所，感汝贻我安。把袂日造兹，弟兄共盘桓。奚觉天地广，吾道自为宽。十年计树木，光阴如奔澜。——杨起元《山中植树（节选）》

16.

食贫自以官为业，闻说西斋意凛然。万卷藏书宜子弟，十年种木长风烟。未尝终日不思颖，想见先生多好贤。安得雍容一尊酒，女郎台下水如天。——黄庭坚《郭明甫作西斋于颖尾请予赋诗》

17.

梧桐叶上三更雨。惊破梦魂无觅处。夜凉枕簟已知秋，更听寒蛩促机杼。梦中历历来时路。犹在江亭醉歌舞。尊前必有问君人，为道别来心与绪。——苏轼《木兰花令·宿造口闻夜雨寄子由才叔》

18.

持钱买花树，城东坡上栽。但购有花者，不限桃杏梅。百果参杂种，千枝次第开。天时有早晚，地力无高低。红者霞艳艳，白者雪皑皑。游蜂

遂不去，好鸟亦栖来。前有长流水，下有小平台。时拂台上石，一举风前杯。——白居易《东坡种花》

19.

东临碣石，以观沧海。水何澹澹，山岛竦峙。树木丛生，百草丰茂。秋风萧瑟，洪波涌起。日月之行，若出其中；星汉灿烂，若出其里。幸甚至哉，歌以咏志。——曹操《观沧海》

20.

持钱买花树，城东坡上栽。但购有花者，不限桃杏梅。百果参杂种，千枝次第开。天时有早晚，地力无高低。红者霞艳艳，白者雪皑皑。游蜂遂不去，好鸟亦栖来。——白居易《东坡种花·节选》

本文链接：<https://duanjuziku.com/duanjuzi/kp0b703px5.html>